

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-723/08
Sarajevo, 17.07.2008. godine

Z A P I S N I K

14. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 03. i 17. jula 2008. godine

Sjednica je počela u 10.44 nakon završetka 13. sjednice.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Prije prelaska na rad delegati su bez primjedbi, jednoglasno (46 glasova za), usvojili Zapisnik 12. sjednice, održane 23.04. i 23. i 29.05.2008. godine.

Nakon toga predsjedavajući je podsjetio delegate da, na osnovu člana 104. Poslovnika o radu Doma naroda, mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

Delegatska pitanja i inicijative

Miro Lazović izrazio je nezadovoljstvo dobijenim odgovorom na pitanje koje se tiče nemogućnosti članova Socijaldemokratske unije da koriste prostorije koje su predviđene za rad parlamentarnih stranaka i ponovo je zatražio od Vlade Federacije da se riješi ovaj problem.

Muhamed Osmić izrazio je nezadovoljstvo dobijenim odgovorom vezano za problem rješavanja raskrsnice na sjevernom ulazu u Maglaj.

Također, izrazio je nezadovoljstvo dobijenim odgovorom na pitanje koje se odnosi na raskrsnicu na magistralnom putu u Kosovi. Izrazio je nezadovoljstvo i radom Direkcije cesta Federacije Bosne i Hercegovine i zatražio od federalnog ministra prometa i komunikacija da se pokrenu aktivnosti kako bi se riješili ovi problemi.

Nikola Simić izrazio je nezadovoljstvo dobijenim odgovorom na pitanje u vezi sa putem Bugojno-Novoi Travnik i ponovo upitao ko je odgovoran za kvalitet izgradnje puta i da li se ovaj put može pustiti u promet za teška vozila.

Besim Spahić postavio je pitanje federalnom ministru kulture i sporta Gavrilu Grahovcu zašto projekt izgradnje multifunkcionalne sportske dvorane u Zenici nije uvršten u Program Vlade Federacije koji se tiče raspodjele sredstava za prekvalifikaciju i odabir programa i projekata u oblasti kulture i sporta koji će se sufinansirati iz budžeta Federacije.

Također je upitao da li se prilikom raspodjele ovih sredstava vodilo računa o regionalnoj, tj. kantonalnoj zastupljenosti, prioritetima, značaju i stepenu završenosti određenih projekata.

Federalni ministar Gavrilo Grahovac odgovorio je da Federalno ministarstvo kulture i sporta nije imalo sredstava koliko je traženo od Općine Zenica, a vezano za Odluku Vlade Federacije koja se tiče raspodjele sredstava, te da Ministarstvo nije odlučivalo. Istakao je da Ministarstvo u svoje programe ne može uvrštavati zahtjeve koji su u vrijednosti od više miliona konvertibilnih maraka, već da te zahtjeve Ministarstvo izvršava kada Parlament Federacije na prijedlog Vlade Federacije donese takvu odluku.

Elvira Abdić-Jelenović Vladi Federacije i Federalnom ministarstvu finansija postavila je dva pitanja koja se odnose na Agenciju za privatizaciju Federacije Bosne i Hercegovine.

Prvo pitanje vezano je za prodaju kapitala u preduzeću „Hidrogradnja“, tj. na osnovu kojeg zakona se vrši prodaja tog kapitala. Također je upitala kako su utrošena sredstva koja su dobijena na ime prijeratnih potraživanja koje je ovo preduzeće ostvarilo na libijskom tržištu i da li su ta potraživanja knjižena u korist dioničkog kapitala. Upitala je u kojoj se fazi nalazi tužba dioničara na presudu Općinskog suda Sarajevo od 19.09.2006. godine.

Drugo pitanje odnosi se na pojam nenominirani kapital, odnosno koji zakon određuje raspored nenominiranog kapitala, kako je ovaj kapital raspoređen u preduzećima „Agrokomerc“ i „Aluminij“ i ko je u Federaciji ovlašten za raspoređivanje ovog kapitala.

Federalni ministar finansija Vjekoslav Bevanda rekao je da Ministarstvo nije nadležno da daje odgovor na ova pitanja, već Agencija za privatizaciju Federacije Bosne i Hercegovine.

Ivo Komšić predložio je da se, prije nego se pređe na razmatranje dnevnog reda, dobije informacija od Vlade o finansijskom stanju, tj. likvidnosti Federacije.

Federalni ministar finansija Vjekoslav Bevanda dao je odgovor u vezi sa ovim pitanjem.

Snježana Milavić uputila je pitanje Federalnom ministarstvu prometa i komunikacija u vezi sa izgradnjom puta Stolac-Neum i zatražila odgovor u pisanoj formi.

Denis Zvizdić pokrenio je inicijativu prema Vladi Federacije, odnosno Federalnom ministarstvu razvoja, poduzetništva i obrta za izradu strategije razvoja Federacije koja bi se trebala izraditi do kraja 2008. godine, tj. najkasnije do izrade nacrtu Budžeta Federacije za 2009. godinu. Zatražio je da se strategija izradi u saradnji sa regionalnim razvojnim agencijama.

Federalni ministar razvoja, poduzetništva i obrta Velimir Kunić rekao je da je izrada strategije razvoja malog poduzetništva u fazi izrade i prihvatio sugestiju za izradu akcionog plana sa razvojnim agencijama.

Dženana Zlatar uputila je pitanje Direkciji za ceste Federacije Bosne i Hercegovine, odnosno Federalnom ministarstvu prometa i komunikacija koje se odnosi na neosvjetljenost tunela u Federaciji Bosne i Hercegovine.

Kenan Keserović postavio je dva pitanja.

Prvo pitanje postavio je Federalnom ministarstvu rada i socijalne politike, a odnosi se na broj predmeta koji čekaju reviziju drugostepenog organa, a odnose se na ostvarivanje prava osoba sa invaliditetom. Zatražio je da se u prilogu odgovora dostave statistički pokazatelji riješenih predmeta od datuma primjene Zakona o izmjenama i dopunama Zakona o socijalnoj zaštiti i zaštiti civilnih žrtava rata i zaštiti porodica sa djecom.

Drugo pitanje postavio je Federalnom ministarstvu za pitanja boraca i invalida odbrambeno-oslobodilačkog rata u vezi sa brojem korisnika boračko-invalidske zaštite na području Federacije. Upitao je i kada će se provesti revizija u vezi sa brojem korisnika, te zašto revizija nije ranije obavljena. Zatražio je da se u prilogu odgovora dostavi tačan broj korisnika boračko-invalidske zaštite po kantonima.

Zoran Budimić pokrenuo je dvije inicijative i postavio delegatsko pitanje.

Prvu inicijativu pokrenuo je prema Federalnom ministarstvu poljoprivrede, vodoprivrede i šumarstva u vezi sa rješavanjem poticaja poljoprivrednika koji imaju obradivo zemljište na teritoriji druge države a državljani su Bosne i Hercegovine.

Drugu inicijativu uputio je prema Vladi Federacije i domovima Parlamenta Federacije u vezi sa programima rada domova, tj. da programi budu predloženi najkasnije do kraja godine ili u izuzetnim slučajevima do kraja marta.

Postavio je pitanje Federalnom ministarstvu zdravstva u vezi sa raspodjelom sredstava za prevenciju od raka dojke.

Sead Čaušević postavio je pitanje Federalnom ministarstvu rada i socijalne politike u vezi sa provođenjem Zakona o naplati i djelimičnom otpisu dospjelih a nenaplaćenih doprinosa za socijalno osiguranje.

Slobodan Rodić postavio je pitanje Federalnom ministarstvu poljoprivrede, vodoprivrede i šumarstva u vezi sa neprihvatanjem zahtjeva Općine Drvar za sufinansiranje projekata vodovoda i kanalizacije za 2008. godinu.

Tomo Vidović postavio je tri pitanja.

Prvo i drugo pitanje postavio je Federalnom ministarstvu pravde.

Prvo pitanje odnosi se na fazu izrade Zakona o proglašenju Tuzle gradom.

Drugo pitanje vezano je za koordinaciju sa Visokim sudskim i tužilačkim vijećem Bosne i Hercegovine i Tužilaštvom Kantona Sarajevo u vezi sa otvaranjem istrage protiv premijera Vlade Federacije i federalnog ministra finansija. Također je upitao da li je istraga otvorena na osnovu službenih saznanja ili na osnovu saznanja neke institucije ili osobe.

Treće pitanje uputio je Federalnom ministarstvu prometa i komunikacija u vezi sa kriterijima i sanacijom magistralnih cesta u Federaciji. Također je upitao koliko je utrošeno sredstava i koliko sredstava će biti utrošeno za ovu namjenu do kraja godine i ko vrši nadzor nad izvođenjem radova radi zaštite javnog interesa.

Saša Magazinović postavio je tri pitanja.

Prvo pitanje odnosi se na spisak članova upravnih i nadzornih odbora javnih preduzeća i javnih ustanova u većinskom vlasništvu Federacije BiH i upravnih ustanova sa informacijom o naknadama koje primaju za svoj rad.

Drugo pitanje odnosi se na primjenu Zakona o principima lokalne samouprave u Federaciji Bosne i Hercegovine.

Treće pitanje vezano je za nepoštivanje zakona od institucija.

Nakon postavljen delegatskih pitanja i inicijativa prešlo se na utvrđivanje dnevnog reda.

Potpredsjedavajući Doma naroda Drago Puzigaća, koji je tada predsjedavao sjednicom, obavijestio je delegate da je Vlada Federacije dostavila Prijedlog Zakona o izmjenama i dopunama Zakona o investiranju javnih sredstava sa prijedlogom da se razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije, jednoglasno (34 glasa za), prihvatio da se Prijedlog Zakona o izmjenama i dopunama Zakona o investiranju javnih sredstava razmatra po hitnom postupku.

Nakon toga je predsjednik Kluba delegata bošnjačkog naroda Alija Begović ispred Kluba predložio da se Prijedlog Zakona o premjeru i katastru nekretnina skine sa dnevnog reda i da se donese zaključak kojim bi se Vlada Federacije zadužila da u roku od 90 dana uputi u parlamentarnu proceduru tri zakona o zemljišnoj administraciji.

Predsjedavajući Doma naroda Stjepan Krešić, koji je tada predsjedavao sjednicom, rekao je da je i Kolegij Doma naroda predložio ovakav zaključak i dao ga na glasanje.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 30 glasova za i uz četiri uzdržana glasa, usvojio sljedeći:

ZAKLJUČAK

Zadužuje se Vlada Federacije Bosne i Hercegovine da u roku od 90 dana u parlamentarnu proceduru dostavi Zakon o premjeru i katastru nekretnina, Zakon o zemljišnim knjigama i Zakon o stvarnim pravima.

Potom se prešlo na glasanje o dnevnom redu.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno usvojio sljedeći:

DNEVNI RED

1. Prijedlog Programa rada Doma naroda Parlamenta Federacije Bosne i Hercegovine za 2008. godinu;
2. Prijedlog Zakona o izmjenama i dopunama Zakona o investiranju javnih sredstava – hitni postupak;
3. Prijedlog Zakona o izmjenama i dopunama Zakona o Agenciji za bankarstvo Federacije Bosne i Hercegovine;
4. Prijedlog Zakona o internoj reviziji u javnom sektoru u Federaciji Bosne i Hercegovine;
5. Nacrt Zakona o investicionim fondovima;
6. Nacrt Zakona o zaštiti od požara i vatrogastvu;
7. Nacrt Zakona o lizingu;
8. Nacrt Zakona o obrtu i obrtu sličnim djelatnostima;
9. Nacrt Zakona o izmjenama i dopunama Zakona o poticaju razvoja male privrede;
10. Nacrt Zakona o psihološkoj djelatnosti (predlagač: Aida Čikić, zastupnica u Predstavničkom domu);
11. Nacrt Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine (predlagač: Klub zastupnika BPS-a Sefer Halilović u Predstavničkom domu);
12. Strateški plan razvoja zdravstva u Federaciji Bosne i Hercegovine u periodu od 2008. do 2018. godine;
13. Izvještaj o radu RTV Federacije Bosne i Hercegovine u 2007. godini i proširena informacija o stanju u RTV Federacije Bosne i Hercegovine;
14. Izvještaj o realizaciji sredstava sa pozicije tekućih transfera za drugo polugodište 2007. godine:
 - Kabineta predsjednika Federacije Bosne i Hercegovine,
 - Kabineta potpredsjednika Federacije Bosne i Hercegovine,
 - Kabineta potpredsjednika Federacije Bosne i Hercegovine;
15. Izvještaj revizije učinka: Planiranje visokog obrazovanja u Federaciji Bosne i Hercegovine sa Izvještajem Komisije;

16. Izvještaj o radu Agencije za bankarstvo Federacije Bosne i Hercegovine i Informacija o bankarskom sistemu Federacije Bosne i Hercegovine - stanje na dan 31.12.2007. godine;
17. Izvještaj o radu Federalnog zavoda za zapošljavanje za 2007. godinu;
18. Izvještaj o izvršenju Budžeta Federacije Bosne i Hercegovine za 2007. godinu;
19. Dokument politike zaštite djece bez roditeljskog staranja i porodica pod rizikom od razdvajanja u Federaciji Bosne i Hercegovine 2006.-2016. godine i Prijedlog Odluke o davanju saglasnosti na Dokument politike zaštite djece bez roditeljskog staranja i porodica pod rizikom od razdvajanja u Federaciji Bosne i Hercegovine 2006.-2016. godine;
20. Prijedlog Odluke o utvrđivanju područja Autocesta na Koridoru Vc područjem posebnih obilježja od značaja za Federaciju Bosne i Hercegovine;
21. Prijedlog Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine -Autocesta na Koridoru Vc od 2008. do 2028. godine;
22. Informacija o inspekcijskom nadzoru privatnih visokoškolskih ustanova u Federaciji Bosne i Hercegovine sa prijedlogom zaključaka;
23. Informacija o provedbi bolonjskog procesa u Federaciji Bosne i Hercegovine sa zaključcima Vlade Federacije Bosne i Hercegovine;
24. Plan poslovanja Javnog preduzeća "Željeznice Federacije Bosne i Hercegovine" d.o.o. za 2008. godinu;
25. Informacija o dosadašnjoj primjeni Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom u dijelu koji se odnosi na neratne invalide i civilne žrtve rata;
26. Izbori i imenovanja.

Prije prelaska na rad predsjedavajući je predložio da se izjašnjavanje o svim tačkama obavi u tri sata, što su delegati prihvatili.

1. Prijedlog Programa rada Doma naroda Parlamenta Federacije Bosne i Hercegovine za 2008. godinu

Prijedlog Programa rada utvrdio je Kolegij Doma naroda.

Prijedlog Programa razmatrala su nadležna radna tijela i dostavila svoje izvještaje.

U raspravi su učestvovali: Dženana Zlatar, Elvira Abdić-Jelenović, Muhamed Osmić, Kenan Keserović, Tomo Vidović i predsjednik Kluba delegata bošnjačkog naroda Alija Begović.

Na Prijedlog Programa rada amandmane su podnijeli Tomo Vidović i Muhamed Osmić. Predstavnik Kolegija kao predlagač Programa rada prihvatio je ove amandmane pa su oni postali sastavni dio Prijedloga Programa.

Amandman I

U odjeljku A. ZAKONODAVNA DJELATNOST pod I. FINANSIJE pod tačkom 7. rok: riječ «decembar» zamjenjuje se riječju «septembar».

Amandman II

U odjeljku A. ZAKONODAVNA DJELATNOST pod IV. SOCIJALNA POLITIKA tačka 9. se briše.

Amandman III

U odjeljku A. ZAKONODAVNA DJELATNOST pod IV. SOCIJALNA POLITIKA iza tačke 10. dodaje se tačka 11. koja glasi:

«11. Socijalni program za ublažavanje materijalnog položaja najugroženijih kategorija stanovništva.

Rok: III kvartal.»

Amandman IV

U odjeljku A. ZAKONODAVNA DJELATNOST pod XI. PROSTORNO UREĐENJE - Odluka pod rednim brojem 4. pomjera se na redni broj 1. - rok: III kvartal, a ostale tačke se prenumerišu.

Amandman V

U odjeljku B. ANALITIČKO-INFORMATIVNA DJELATNOST tekst u posljednjem pasusu mijenja se i glasi:

«Dom naroda Parlamenta Federacije Bosne i Hercegovine razmatrat će izvještaje ombudsmena za ljudska prava Federacije Bosne i Hercegovine o stanju ljudskih prava u Federaciji Bosne i Hercegovine i izvještaje Helsinškog komiteta za ljudska prava u Bosni i Hercegovini o poštivanju ljudskih prava u Bosni i Hercegovini.»

Amandman VI

U odjeljku A. ZAKONODAVNA DJELATNOST pod I. FINANSIJE dodaju se sljedeće tačke:

«16. Zakon o izmjenama i dopunama Zakona o izmirenju unutrašnjeg duga
rok: septembar 2008.

17. Zakon o izmjenama i dopunama Zakona o porezu na dohodak
rok: septembar 2008.

18. Zakon o izmjenama i dopunama Zakona o doprinosima
rok: septembar 2008.»

Na osnovu rezultata glasanja, predsjedavajući Doma naroda Parlamenta Federacije Bosne i Hercegovine konstatovao je da je Dom naroda Parlamenta Federacije Bosne i Hercegovine, jednoglasno (46 glasova za), usvojio Prijedlog Programa rada Doma naroda Parlamenta Federacije Bosne i Hercegovine za 2008. godinu.

2. Prijedlog Zakona o izmjenama i dopunama Zakona o investiranju javnih sredstava

Prijedlog Zakona utvrdila je Vlada Federacije.

Predstavnički dom je na 13. sjednici od 27.05.2008. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložila je Mira Bradara, pomoćnica federalnog ministra finansija, i izjavila da u članu 9. kojim se dodaju čl. 13.a i 13.b u članu 13.a u stavu 2. umjesto riječi «Uputstvo» treba pisati riječ «Pravilnik».

U pretresu je učestvovao Besim Imamović.

Na osnovu rezultata glasanja, predsjedavajući je konstatovao da je Dom naroda Parlamenta Federacije, jednoglasno (44 glasa za), usvojio Prijedlog Zakona o izmjenama i dopunama Zakona o investiranju javnih sredstava.

3. Prijedlog Zakona o izmjenama i dopunama Zakona o Agenciji za bankarstvo Federacije Bosne i Hercegovine

Prijedlog Zakona utvrdila je Vlada Federacije.

Predstavnički dom je na 13. sjednici od 27.05.2008. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Enver Trepčić, pomoćnik federalnog ministra finansija.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, jednoglasno (46 glasova za), usvojio Prijedlog Zakona o izmjenama i dopunama Zakona o Agenciji za bankarstvo Federacije Bosne i Hercegovine.

4. Prijedlog Zakona o internoj reviziji u javnom sektoru u Federaciji Bosne i Hercegovine

Prijedlog Zakona utvrdila je Vlada Federacije.

Predstavnički dom je na 13. sjednici od 27.05.2008. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložila je Mira Bradara, pomoćnica federalnog ministra finansija.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, jednoglasno (46 glasova za), usvojio Prijedlog Zakona o internoj reviziji u javnom sektoru u Federaciji Bosne i Hercegovine.

5. Nacrt Zakona o investicionim fondovima

Nacrt Zakona utvrdila je Vlada Federacije.

Predstavnički dom je na nastavku 13. sjednice od 28.05.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Enver Trepčić, pomoćnik federalnog ministra finansija.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije; jednoglasno (46 glasova za), usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvata Nacrt Zakona o investicionim fondovima i smatra da može poslužiti kao osnova za izradu prijedloga Zakona.

6. Nacrt Zakona o zaštiti od požara i vatrogastvu

Nacrt Zakona utvrdila je Vlada Federacije.

Predstavnički dom je na nastavku 13. sjednice od 28.05.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Ispred predstavnika predlagača Nacrt Zakona obrazložio je Alija Tihiić.

U pretresu su učestvovali Elvira Abdić-Jelenović i Asim Mekić.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 45 glasova za i uz jedan uzdržani glas, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o zaštiti od požara i vatrogastvu i smatra da može poslužiti kao osnova za izradu prijedloga Zakona.
2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

7. Nacrt Zakona o lizingu

Nacrt Zakona utvrdila je Vlada Federacije.

Predstavnički dom je na nastavku 13. sjednice od 28.05.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Enver Trepitić, pomoćnik federalnog ministra finansija.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, jednoglasno (46 glasova za), usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvata Nacrt Zakona o leasingu i smatra da može poslužiti kao osnova za izradu prijedloga Zakona.

8. Nacrt Zakona o obrtu i obrtu sličnim djelatnostima

Nacrt Zakona utvrdila je Vlada Federacije.

Predstavnički dom je na nastavku 13. sjednice od 28.05.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Velimir Kunić, federalni ministar razvoja, poduzetništva i obrta.

U pretresu su učestvovali Kenan Keserović, Dženana Zlatar i Elvira Abdić-Jelenović.

Na osnovu rezultata glasanja, predsjedavajući je konstatovao da je Dom naroda Parlamenta Federacije, jednoglasno (46 glasova za), usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o obrtu i obrtu sličnim djelatnostima i smatra da može poslužiti kao osnova za izradu prijedloga Zakona.
2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

9. Nacrt Zakona o izmjenama i dopunama Zakona o poticaju razvoja male privrede

Nacrt Zakona utvrdila je Vlada Federacije.

Predstavnički dom je na nastavku 13. sjednice od 28.05.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Velimir Kunić, federalni ministar razvoja, poduzetništva i obrta.

U pretresu je učestvovao Kenan Keserović.

Na osnovu rezultata glasanja, predsjedavajući je konstatovao da je Dom naroda Parlamenta Federacije, jednoglasno (46 glasova za), usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o poticaju razvoja male privrede i smatra da može poslužiti kao osnova za izradu prijedloga Zakona.
2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

10. Nacrt Zakona o psihološkoj djelatnosti

Nacrt ovog Zakona je predložila Aida Čikić, zastupnica u Predstavničkom domu.

Predstavnički dom je na nastavku 13. sjednice od 28.05.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložila je Aida Čikić.

U pretresu su učestvovali: Snježana Milavić, Tomo Vidović, Aida Čikić, Svetozar Pudarić, Asim Mekić i Zoran Budimić.

Na osnovu rezultata poimeničnog glasanja, koje je obavio sekretar Doma naroda Izmir Hadživdić, predsjedavajući je konstatovao Dom naroda Parlamenta Federacije Bosne i Hercegovine **nije prihvatio** Nacrt Zakona o psihološkoj djelatnosti, jer prilikom glasanja nije dobio potrebnu većinu glasova (za su glasala 23 delegata, 13 delegata je bilo protiv a 11 delegata je bilo uzdržano).

11. Nacrt Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine

Nacrt ovog Zakona je predložio Klub zastupnika BPS-a Sefer Halilović u Predstavničkom domu.

Predstavnički dom je na nastavku 10. sjednice od 27.02.2008. godine razmatrao Nacrt Zakona i Zaključkom ga prihvatio.

Vlada Federacije dostavila je Mišljenje i smatra da se u članu 27. Zakona, koji se odnosi na izmjene člana 48. Zakona o registraciji poslovnih subjekata u Federaciji Bosne i Hercegovine, nepotrebno sužava krug punomoćnika podnosioca prijave za registraciju na advokata ili notara, te

tako rješenje smatra neprimjerenim duhu Zakona. Na ostali dio Zakona Vlada nije imala primjedbi.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Ibro Omerbašić, predstavnik Kluba zastupnika BPS-a Sefer Halilović u Predstavničkom domu.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, jednoglasno (47 glasova za), usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine i smatra da može poslužiti kao osnova za izradu prijedloga Zakona.

12. Strateški plan razvoja zdravstva u Federaciji Bosne i Hercegovine u periodu od 2008. do 2018. godine

Strateški plan utvrdila je Vlada Federacije i dostavila ga Parlamentu Federacije radi odobravanja.

Predstavnički dom je na nastavku 13. sjednice od 26.06.2008. godine razmatrao Strateški plan i usvojio Zaključak kojim je odgodio izjašnjenje o njemu, a transkript sa sjednice i sve prijedloge vezane za ovu tačku dostavio predlagaču da ih razmotri i po mogućnosti ugradi u tekst Strateškog plana, nakon čega ih je potrebno u što kraćem roku dostaviti Predstavničkom domu na izjašnjenje.

Strateški plan razmatrala su nadležna radna tijela i dostavila svoje izvještaje.

Plan je obrazložio Safet Omerović, federalni ministar zdravstva.

U raspravi su učestvovali: Kenan Keserović, predsjednik Kluba delegata hrvatskog naroda Josip Perić, predsjednik Kluba delegata bošnjačkog naroda Alija Begović, Muhamed Osmić, Snježana Milavić, federalni ministar zdravstva Safet Omerović i Tomo Vidović.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 47 glasova za i uz jedan glas protiv, odobrio Strateški plan razvoja zdravstva u Federaciji Bosne i Hercegovine u periodu od 2008. do 2018. godine.

Predsjedavajući je u 15.02 završio rad sjednice za taj dan i obavijestio delegate da će se nastavak sjednice održati 17.07.2008. godine u 10 sati.

NASTAVAK SJEDNICE OD 17. JULA 2008. GODINE

Sjednica je počela u 10.21.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, potpredsjednicu Federacije BiH Spomenku Mičić, federalnu ministricu obrazovanja i nauke Melihu Alić, goste, predstavnike Vlade Federacije, međunarodnih organizacija i predstavnike akreditovanih medijskih kuća koji prate rad sjednice.

Na osnovu evidencije Stručne službe, predsjedavajući je konstatovao da sjednici prisustvuje 45 delegata, što čini većinu, te Dom naroda može raditi i punovažno odlučivati.

Potom je predsjedavajući podsjetio delegate na preostale tačke dnevnog reda i prešao na rad.

13. Izvještaj o radu RTV Federacije BiH u 2007. godini i proširena informacija o stanju u RTV Federacije BiH

Izvještaj i Informaciju dostavio je ured generalnog direktora RTV Federacije Bosne i Hercegovine.

Predstavnički dom je na nastavku 13. sjednice od 26.06.2008. godine nakon razmatranja ove tačke, odlučio da se ne izjašnjava već da se o ovom pitanju donesu zaključci kad se bude usaglašavao Prijedlog zakona o Javnom servisu RTV Federacije BiH.

Izvještaj su razmatrala nadležna radna tijela i dostavila svoje izvještaje.

S obzirom na to da sjednici nije prisustvovao predstavnik predlagača, predsjedavajući je dao na glasanje prijedlog da se ova tačka **skine sa dnevnog reda**, što su delegate, sa 34 glasa za, uz jedan glas protiv i uz 10 uzdržanih glasova, prihvatili.

14. Izvještaj o realizaciji sredstava sa pozicije tekućih transfera za drugo polugodište 2007. godine za:

a) Kabinet predsjednika Federacije BiH

b) Kabinet potpredsjednika Federacije BiH

c) Kabinet potpredsjednika Federacije BiH

Izvještaje su dostavili Kabinet predsjednika Federacije i kabineti potpredsjednika Federacije BiH.

Predstavnički dom na nastavku 13. sjednice od 26.06.2008. godine nije prihvatio ovaj izvještaj, jer nije dobio potrebnu većinu glasova zastupnika.

Izvještaj su razmatrala nadležna radna tijela i dostavila svoje izvještaje.

U raspravi su učestvovali: Kenan Keserović, Zaim Imamović Kaze, potpredsjednica Federacije Spomenka Mičić i Mensudin Dino Šećerović, savjetnik potpredsjednika Federacije BiH.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 34 glasa za i uz šest uzdržanih glasova, prihvatio Izvještaj o realizaciji sredstava sa pozicije tekućih transfera za drugo polugodište 2007. godine za: Kabinet predsjednika Federacije BiH, Kabinet potpredsjednika Federacije BiH i Kabinet potpredsjednika Federacije BiH.

15. Izvještaj revizije učinka: Planiranje visokog obrazovanja u Federaciji BiH sa Izvještajem Komisije

Ured za reviziju institucija u Federaciji BiH dostavio je Parlamentu Federacije Izvještaj revizije učinka: Planiranje visokog obrazovanja u Federaciji BiH.

Parlamentarna komisija odgovorna za reviziju dostavila je Izvještaj o razmatranju Izvještaja Ureda za reviziju.

Izvještaj su razmatrala nadležna radna tijela i dostavila svoje izvještaje.

Predstavnički dom je na nastavku 13 sjednice prihvatio zaključke predložene u Izvještaju Parlamentarne komisije odgovorne za reviziju.

U raspravi su učestvovali: Asim Mekić, Lidija Bradara, Mira Ljubijankić i Meliha Alić, federalna ministrica obrazovanja i nauke.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno (41 glas za) prihvatio Izvještaj revizije učinka: Planiranje visokog obrazovanja u Federaciji BiH, uz zaključke koje je predložila Parlamentarna komisija odgovorna za reviziju.

ZAKLJUČCI

1. Usvaja se Izvještaj revizije učinka: Planiranje visokog obrazovanja u Federaciji BiH sa preporukama Ureda za reviziju institucija Federacije BiH.
2. Obavezuju se javne institucije odgovorne za visoko obrazovanje: oba doma Parlamenta Federacije BiH i njihova radna tijela, Vlada Federacije BiH, kantoni i javni univerziteti da u okviru svojih zakonskih nadležnosti preduzmu mjere i aktivnosti kako bi od naredne školske godine otpočeo proces usklađivanja plana upisa studenata i proizvodnje VSS kadrova – po broju i strukturi – sa potrebama tržišta, te osigurao ulazak Bosne i Hercegovine na evropsko tržište visokog obrazovanja do kraja 2010. godine.
3. Obavezuje se Vlada Federacije BiH da u roku od 60 dana Parlamentu Federacije BiH dostavi sa kantonima usaglašen Operativni program aktivnosti na realizaciji preporuka Ureda za reviziju institucija Federacije BiH sa nosiocima i rokovima izvršenja.
4. Radna tijela oba doma Parlamenta Federacije BiH će u okviru svojih nadležnosti pratit će i podsticati realizaciju pojedinih aktivnosti Operativnog programa iz tačke 3. te o zapažanjima i ocjenama informirati Parlament Federacije BiH.
5. Preporučuje se Vladi Federacije BiH da izdvajanja sredstava iz budžetâ Federacije BiH za naučno-istraživački rad i za potporu studentskom standardu zasniva na politici uravnotežene ponude i potražnje VSS kadrova na tržištu rada.
6. Obavezuje se Federalno ministarstvo obrazovanja i nauke da svakih šest mjeseci podnosi izvještaj Parlamentu Federacije BiH o realizaciji Operativnog programa iz tačke 3. kako bi se osigurali optimalni uvjeti za primjenu dokumenata za provedbu bolonjskog procesa.

16. Izvještaj o radu Agencije za bankarstvo Federacije BiH i Informacija o bankarskom sistemu Federacije BiH - stanje na dan 31.12.2007. godine

Agencija za bankarstvo Federacije dostavila je Parlamentu Federacije Izvještaj o svom radu sa Informacijom o bankarskom sistemu Federacije BiH.

Predstavnički dom je na nastavku 13. sjednice od 26.06.2008. godine prihvatio Izvještaj i Informaciju.

Izvještaj su razmatrala nadležna radna tijela i dostavila svoje izvještaje.

Izvještaj je obrazložio Zlatko Barš, direktor Agencije za bankarstvo Federacije BiH.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno (43 glasa za) prihvatio Izvještaj o radu Agencije za bankarstvo Federacije BiH i Informaciju o bankarskom sistemu Federacije BiH - stanje na dan 31.12.2007. godine.

17. Izvještaj o radu Federalnog zavoda za zapošljavanje za 2007. godinu

Izvještaj je utvrdila Vlada Federacije BiH.

Predstavnički dom na nastavku 13. sjednice od 26.06.2008. godine nije prihvatio Izvještaj, jer prilikom glasanja nije dobio potreban broj glasova.

Izvještaj su razmatrala nadležna radna tijela i dostavila svoje izvještaje.

Izvještaj je obrazložio Miralem Šarić, direktor Federalnog zavoda za zapošljavanje.

U raspravi su učestvovali Kenan Keserović, Besim Imamović, Ramo Isak i Miralem Šarić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 33 glasa za, uz tri glasa protiv i uz šest uzdržanih glasova, prihvatio Izvještaj o radu Federalnog zavoda za zapošljavanje za 2007. godinu.

18. Izvještaj o izvršenju Budžeta Federacije BiH za 2007. godinu

Vlada Federacije BiH dostavila je Izvještaj o izvršenju Budžeta Federacije BiH za 2007. godinu.

Predstavnički dom je na nastavku 13. sjednice od 26.06.2008. godine prihvatio Izvještaj o izvršenju Budžeta Federacije BiH za 2007. godinu.

Izvještaj su razmatrala nadležna radna tijela i dostavila svoje izvještaje.

Izvještaj je obrazložio Samir Bakić, šef Jedinice za upravljanje i koordinaciju sredstava za razvoj pri Federalnom ministarstvu finansija.

U raspravi je učestvovao Mislav Sučić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 41 glasom za i uz pet uzdržanih glasova, prihvatio Izvještaj o izvršenju Budžeta Federacije BiH za 2007. godinu.

19. Dokument politike zaštite djece bez roditeljskog staranja i porodica pod rizikom od razdvajanja u Federaciji BiH 2006.-2016. godine i Prijedlog Odluke o davanju saglasnosti na Dokument politike zaštite djece bez roditeljskog staranja i porodica pod rizikom od razdvajanja u Federaciji BiH 2006.-2016. godine

Dokument je donijela Vlada Federacije BiH zajedno sa Odlukom o davanju saglasnosti na Dokument i dostavila ga Parlamentu Federacije radi razmatranja i odobravanja.

Predstavnički dom je na nastavku 10. sjednice od 27.02.2008. godine donio Odluku kojom je odobrio ovu Odluku.

Ove akte razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 44 glasa za i uz jedan uzdržani glas, donio Odluku kojom je odobrio Odluku Vlade Federacije o davanju saglasnosti na Dokument politike zaštite djece bez roditeljskog staranja i porodica pod rizikom od razdvajanja u Federaciji BiH 2006.-2016. godine.

20. Prijedlog Odluke o utvrđivanju područja autocesta na Koridoru Vc područjem posebnih obilježja od značaja za Federaciju BiH

Odluku je utvrdila Vlada Federacije i dostavila je Parlamentu Federacije radi razmatranja i donošenja.

Predstavnički dom je na nastavku 12. sjednice od 27.05.2008. godine donio Odluku, uz korekciju koju je predstavnik Vlade prihvatio pa je postala sastavni dio Prijedloga Odluke:

- u tački III. na kraju posljednje rečenice iza riječi: "unapređenje same trase" piše se tačka i brišu riječi: "iz ostalih valjanih razloga".

Odluku su razmatrala nadležna radna tijela i dostavila svoje izvještaje.

U raspravi su učestvovali: Snježana Milavić, Lidija Bradara, Hanka Mušinbegović, predstavnik Vlade Federacije.

S obzirom na to da je Lidija Bradara predložila amandman, koji predstavnik predlagača nije prihvatio, predsjedavajući ga je dao na glasanje i konstatovao da je Dom naroda Parlamenta Federacije, sa 36 glasova za, uz tri glasa protiv i uz šest uzdržanih glasova, usvojio sljedeći:

Amandman

U tački III. u posljednjoj rečenici iza broja: "500 m" piše se tačka, a ostali dio teksta se briše.

Potom se prešlo na glasanje o Odluci.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 45 glasova za i uz jedan

uzdržani glas, donio Odluku o utvrđivanju područja autocesta na Koridoru Vc područjem posebnih obilježja od značaja za Federaciju BiH.

Budući da je Prijedlog Odluke usvojen u različitom tekstu u oba doma Parlamenta Federacije BiH, pa **potrebno** ga je **usaglasiti**.

21. Prijedlog Odluke o pristupanju izradi Prostornog plana područja posebnih obilježja od značaja za Federaciju BiH - autocesta na Koridoru Vc od 2008. do 2028. godine

Odluku je utvrdila Vlada Federacije i dostavila je Parlamentu radi razmatranja i donošenja.

Predstavnički dom je na nastavku 12. sjednice od 27.05.2008. godine donio Odluku, uz amandman koji je predstavnik Vlade Federacije prihvatio.

Amandman

U tački VI. na kraju stava 2. piše se zarez i dodaju riječi: "kao i predstavnika Komisije za očuvanje nacionalnih spomenika Bosne i Hercegovine".

Odluku su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 45 glasova za i uz jedan uzdržani glas, donio Odluku o pristupanju izradi Prostornog plana područja posebnih obilježja od značaja za Federaciju BiH - autocesta na Koridoru Vc od 2008. do 2028. godine.

22. Informacija o inspekcijskom nadzoru nad privatnim visokoškolskim ustanovama u Federaciji BiH sa prijedlogom zaključaka

Informaciju je utvrdila Vlada Federacije.

Predstavnički dom je na nastavku 10. sjednice od 27.03.2008. godine razmatrao Informaciju i primio je na znanje.

Informaciju su razmatrala nadležna radna tijela i dostavila svoje izvještaje.

Informaciju je obrazložio Ivan Čuljak, inspektor u Federalnom ministarstvu obrazovanja i nauke.

U raspravi su učestvovali: Asim Mekić, Radoje Vidović, Edina Papo i Zoran Budimić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 43 glasa za, uz jedan glas protiv i uz dva uzdržana glasa, primio na znanje Informaciju o inspekcijskom nadzoru nad privatnim visokoškolskim ustanovama u Federaciji BiH sa prijedlogom zaključaka.

23. Informacija o provedbi bolonjskog procesa u Federaciji BiH sa zaključcima Vlade Federacije BiH

Informaciju je dostavila Vlada Federacije.

Predstavnički dom je na nastavku 10. sjednice od 27.03.2008. godine razmatrao Informaciju i primio je na znanje.

Informaciju su razmatrala nadležna radnja tijela i dostavila svoje izvještaje.

Informaciju je obrazložio Džemko Ruždić, savjetnik u Federalnom ministarstvu obrazovanja i nauke, i Ivan Čuljak, inspektor u Federalnom ministarstvu obrazovanja i nauke.

U raspravi su učestvovali Mira Ljubijankić i Tomo Vidović.

Mira Ljubijankić je predložila zaključak koji je predsjedavajući dao na glasanje i konstatovao da je Dom naroda Parlamenta Federacije BiH, sa 43 glasa za i uz tri uzdržana glasa, usvojio sljedeći:

ZAKLJUČAK

1. Predlaže se Vijeću ministara Bosne i Hercegovine da u skladu sa članom 47. Okvirnog zakona o visokom obrazovanju formira:
 - agenciju za razvoj visokog obrazovanja i osiguranje kvaliteta kadrova,
 - centar za informiranje i priznavanje dokumenata.
2. Predlaže se razmatranje mogućnosti formiranja ministarstva za visoko obrazovanje pri Vijeću ministara Bosne i Hercegovine, koje će pratiti provedbu reforme visokog obrazovanja – bolonjsku deklaraciju.

Potom se glasalo o Informaciji.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 44 glasa za, uz jedan glas protiv i uz jedan uzdržani glas, primio na znanje Informaciju o provedbi bolonjskog procesa u Federaciji BiH sa zaključcima Vlade Federacije BiH.

24. Plan poslovanja JP "Željeznice Federacije BiH" d.o.o. za 2008. godinu

Plan je dostavila Vlada Federacije zajedno sa Odlukom kojom je dala saglasnost na Odluku Skupštine JP "Željeznice Federacije BiH" d.o.o. Sarajevo o usvajanju Plana poslovanja za 2008. godinu.

Predstavnički dom je na nastavku 12. sjednice od 07.05.2008. godine prihvatio Plan.

Plan su razmatrala nadležna radna tijela i dostavila svoje izvještaje.

Plan je obrazložio Izet Mehinagić, pomoćnik federalnog ministra prometa i komunikacija.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 43 glasa za i uz tri uzdržana glasa, prihvatio Plan poslovanja JP "Željeznice Federacije BiH" d.o.o. za 2008. godinu.

25. Informacija o dosadašnjoj primjeni Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom u dijelu koji se odnosi na neratne invalide i civilne žrtve rata

Informaciju je odstavila Vlada Federacije.

Predstavnički dom je na nastavku 7. sjednice od 17.12.2007. godine razmatrao Informaciju i primio je na znanje.

Informaciju su razmatrala nadležna radna tijela i dostavila svoje izvještaje.

U raspravi su učestvovali: Fahrudin Skopljak, predsjednik Odbora za boračka i invalidska pitanja, rad, zdravstvenu i socijalnu zaštitu, koji je predložio da Dom naroda usvoji zaključke koje je predložio Odbor, te Kenan Keserović, Besim Imamović i Igor Rajner.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno (41 glas za) usvojio sljedeći:

ZAKLJUČAK

1. Dom naroda Parlamenta Federacije BiH prima na znanje Informaciju o dosadašnjoj primjeni Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom u dijelu koji se odnosi na neratne invalide i civilne žrtve rata.

2. Zadužuje se Vlada Federacije BiH da realizira mjere koje su predložene u Informaciji tako što će utvrditi rokove za provedbu određenih mjera, jer situacija zahtijeva hitno djelovanje Vlade Federacije BiH, a prije svega uspostavljanje jedinstvene baze podataka svih korisnika prava iz ove oblasti sa ciljem sprečavanja višestrukog korištenja istog prava po osnovu više propisa.

26. Izbor i imenovanja

a) Prijedlog Odluke o izboru predsjednika i članova Nadzornog odbora Agencije za privatizaciju u Federaciji BiH

Članom 13. Zakona o Agenciji za privatizaciju propisano je da se Nadzorni odbor sastoji od predsjednika i pet članova koje imenuje i razrješava Parlament Federacije BiH.

Sadašnjem Nadzornom odboru istekao je mandat 02.06.2008. godine, pa je Parlament Federacije raspisao javni oglas za imenovanje novog Nadzornog odbora.

Predstavnički dom je na nastavku 13. sjednice od 26.06.2008. godine donio Odluku o izboru predsjednika i članova Nadzornog odbora Agencije za privatizaciju u Federaciji BiH kojom se za predsjednika imenuje **Safedin Bajramović**, a za članove: **Ivan Mikulić, Ljiljana Radl, Marinko Marić, Zijad Čehić i Zijad Jagodić**.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 40 glasova za, uz jedan glas protiv i uz pet uzdržanih glasova, donio Odluku o izboru predsjednika i članova Nadzornog odbora Agencije za privatizaciju u Federaciji BiH, kojom je za predsjednika imenovan Safedin Bajramović a za članove: Ivan Mikulić, Ljiljana Radl, Marinko Marić, Zijad Čehić i Zijad Jagodić.

b) Imenovanje člana Regulatorne komisije za električnu energiju u Federaciji BiH – FERK

Na osnovu člana 17. Zakona o električnoj energiji Vlada Federacije dostavila je prijedlog da Parlament Federacije imenuje Đulizaru Hadžimustafić za članicu Regulatorne komisije za električnu energiju Federacije BiH iz reda bošnjačkog naroda.

Vlada Federacije dostavila je i saglasnost predsjednice i popredsjednika Federacije BiH.

Prijedlog Odluke o imenovanju člana Regulatorne komisije utvrdila je Komisija za izbor i imenovanja.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno (46 glasova za) donio

Odluku kojom je **Đulizara Hadžimustafić** iz reda bošnjačkog naroda imenovana za članicu Regulatorne komisije za električnu energiju u Federaciji BiH – FERK.

c) Prijedlog Odluke o razrješenju člana Komisije za koncesije Federacije BiH

Na osnovu člana 10. Zakona o koncesijama Vlada Federacije dostavila je prijedlog da Parlament Federacije Sakiba Slijepčevića, dosadašnjeg člana Komisije za koncesije Federacije BiH, razriješi te dužnosti.

Prijedlog Odluke o razrješenju utvrdila je Komisija za izbor i imenovanja.

U raspravi je učestvovao Igor Rajner.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 45 glasova za i uz tri uzdržana glasa, donio Odluku kojom je **Sakib Slijepčević**, razriješen dužnosti člana Komisije za koncesije Federacije BiH.

Sjednica je završena u 14.09.

* * *

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Stjepan Krešić